



Broj: 02/1- 2055 /24

Kakanj, 20.03.2024.. godine

Na osnovu člana 15. Zakona o principima lokalne samouprave u Federaciji BiH („Službene novine Federacije BiH”, broj: 49/06 i 51/09) i člana 45. Statuta Općine Kakanj („Službene novine Općine Kakanj”, broj: 4/08), Općinski načelnik na \_\_\_\_ sjednici Općinskog vijeća održanoj \_\_\_\_ . \_\_\_\_ .2024. godine, p o d n o s i:

## IZVJEŠTAJ

o ostvarivanju politike jedinice lokalne samouprave i aktivnostima Općinskog načelnika za 2023. godinu

## UVOD

U skladu sa Zakonom o principima lokalne samouprave Član 22. Načelnik/ca je dužan redovno informisati vijeće o ostvarivanju politike jedinice lokalne samouprave. Općinski načelnik je nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. U cilju poštivanja ustavnosti, zakonitosti i javnosti u provođenju općinske politike, načelnik Općine Kakanj dužan je izvještavati Općinsko vijeće o provedenim aktivnostima i obavljenim poslovima iz djelokruga lokalne samouprave i prenesenih poslova sa viših nivoa vlasti.

Radom Jedinistvenog općinskog organa uprave rukovodi Općinski načelnik, kao organ izvršne vlasti u Općini, a u skladu sa Ustavom, zakonima, Statutom i drugim važećim propisima. Rukovođenje Jedinistvenim organom uprave, Općinski načelnik ostvaruje putem svojih pomoćnika, koji neposredno rukovode službama za upravu.

U izvještajnom periodu aktivnosti Općinskog načelnika i Jedinistvenog općinskog organa uprave Općine Kakanj bile su usmjerene, kako na redovne (Programom rada utvrđene zadatke), tako i na vanredne poslove koji su se pojavljivali u toku rada. Aktivnosti Općinskog načelnika su u svakom trenutku bile usmjerene na poboljšanje položaja Općine kao jedinice lokalne samouprave, te podizanje kvaliteta života građana općine na viši nivo.

## AKTIVNOSTI OPĆINE KAKANJ I OPĆINSKOG NAČELNIKA U 2023. GODINI

Tokom 2023 godine osnovna zadaća Općinskog načelnika zajedno sa službama bila je da vrijeme priprema materijale za održavanje sjednica Općinskog vijeća, u skladu sa usvojenim Okvirnim programom rada ali i vanrednih okolnosti. U većini slučajeva Općinski načelnik je bio predlagač, a nadležne službe obrađivači tačaka koje su bile predmet diskusije na sjednicama Općinskog vijeća.

Tokom čitave godine Općinski načelnik je na osnovu zahtjeva pojedinaca, organizovanih skupina obavio veliki broj sastanaka sa različitim skupinama korisnika budžeta, gostiju i svih zainteresiranih strana za različita pitanja. Kao i prethodnih godina akcenat je dat na sastanke, susrete i konsultacije sa Savjetima mjesnih zajednica, na kojim su razmatrane značajne teme radi ostvarivanja različitih prijedloga direktno od građana Kaknja. Također obavljani su sastanci sa različitim nevladinim organizacijama i udruženjima jer opredjeljenje općinske administracije je jačanje civilnog društva i jačanje veze organa samouprave sa građanima/kama kako bi podigli kvalitet usluge koju organ samouprave pruža ali i da bi unaprijedili kvalitet života. Konstantno su održavani sastanci sa upravama javnih preduzeća, kako općinskih tako i preduzeća čiji osnivač je Vlada FBiH a koji su locirani na našoj općini. U skladu sa zahtjevima upriličeni su sastanci sa privrednicima, obrtnicima, poljoprivrednicima. Obavljeno je i nekoliko sastanaka sa kakanjskim privrednicima ali i onima koji nisu iz Kaknja a imaju planove širenja svog poslovanja u našem gradu.

Uz ogroman broj planiranih i neplaniranih sastanaka, svakako je bitno spomenuti one najbitnije aktivnosti za funkcionisanje lokalne zajednice.

### *Sjednice kolegija Općinskog načelnika*

Tokom 2023 godine Načelnik općine je održao devet sjednica kolegija Općinskog načelnika (članovi su pomoćnici općinskog načelnika, direktor Zavoda za planiranje i šef inspekcija) na kojima je razmatrano preko 200 različitih tema, aktivnosti i konkretnih obaveza koje su službe, javne ustanove i javna preduzeća imali zadatak rješavati.

### *Budžet općine Kakanj*

Najznačajnija aktivnost u 2023 godini je usvajanje budžeta Općine Kakanj za 2023 godinu i Odluke o izvršenju budžeta općine Kakanj i ukupno 6 izmjena budžeta (rebalansa) kojim su obezbijeđena značajna dodatna sredstva sa viših, kantonalnih i federalnih nivoa vlasti kao i iz redovnih prihoda. Tokom cijele godine likvidnost budžeta je bila uvijek na značajnom nivou i svi računi prema dobavljačima su izmirivani u razumnom, valutnom roku, kao i svi transferi i ostala davanja prema budžetskim korisnicima. Nikada ni jednog trenutka nije došlo u pitanje poslovanje i plaćanje redovnih obaveza. Za rezultat toga imali smo suficit na kraju 2023 godine. Važno je naglasiti da je nakon 2020 godine kada je knjižen deficit, u protekle tri godine (2021, 2022, 2023) budžet konstantno bio u suficitu. Odnosno trošili smo manje nego što smo prihodovali i to trošenje je bilo u razmjeri prihoda.